

Siunnersuummut nassuaatit

Nassuaatit nalinginnaasut

1. Aallaqqasiusut

Kommunit aggornerisa avataanni sumiiffinni innuttaasunut siulersuisut pillugit Inatsisartut inatsisisaaannut siunnersuummik matuminnga saqqummiussinissaq, inatsisip atuuttup ullutsinnut naleqqutinnginnerata aammalu immikkoortuni qitiusuni allanngorarsinnaannginnerata malitsigaa. Assersuutigalugu inatsimmi atuuttumi suliassat Namminersornerullutik Oqartussat (maannakkut Namminersorlutik Oqartussat) suliarisagaat kisimik ilaatinneqarput. Taamaalilluni suliassat ullumikkut suliassanngortartut imaluunniit kommuninut imaluunniit oqartussanut allanut taarsiullugu suliarineqartartut inatsimmi atuuttumi ilaatinneqanngillat. Tamatuma saniatigut aamma suliassat arlallit taamaallaat sumiiffimmi atuuttut inatsimmi atuuttumi ilaatinneqanngillat.

Taaguut nunaqqatigiit siunnersuisoqatigiivi, innuttaasut siulersuisuinut allanngortinneqarpoq. Inatsisisatut siunnersuummi matumani innuttaasut siulersuisisa suliassai ataatsimut isignerullugit oqaasertalerneqarput. Tamatumani suliassat suut innuttaasut siulersuisisa isumagisinnaaneraat pillugu inatsisisatut siunnersuummi pisariaqartumik eqaatsuutisoqarpoq. Matuma siuliani allassimasut naapertorlugit inatsisisatut siunnersuummi oqaasertaliinermi aamma suliassat kommuninut imaluunniit oqartussanut allanut suliakkiutigineqarsimasut, imaluunniit najukkami inissisimatinneqartut innuttaasut siulersuisuinit isumagineqarsinnaanerinut, periarfissamik ammaasoqarpoq.

Suliassat suut innuttaasut siulersuisisa isumagisinnaasussaasariaqarneraat takussutissinniarlugu, suliassat pingarnersaat Pituffimmi nunaqqatigiit siunnersuisoqatigiivisa maannakkorpiaq tamakkiisumik ilaannaasumilluunniit akisussaaffigaannut takussutissiarineqarput:

A: Allaffissornikkut suliassani ilitsersuineq, innersuussineq aamma suliassamik suliariinninneq, soorlu:

- taasivissamik pilersitsinikkut qinersitsineq aamma qinersinerup ingerlanneqarnera,
- akileraarutit pillugit apeqqutinut akissuteqarneq, ilanggullugit akileraartarnikkut uppernarsaatit,
- CITES-imi uppernarsaatinik immersuineq,
- najugaqarnermut uppernarsaatinik pissarsiniarneq,
- suliffeerunnermi ikorsiissutinik tunniussinissamik qinnuteqaatinik suliariinninneq,
- umimmanniarnissamut tuttunniarnissamullu akuersissutinik aqutsineq,
- unnukkut atuartitsinermik ingerlatsineq, ilanggullugit init atuartitsiviusussat, atuartitsisussat aammalu atortussat.

B: Sinniisuunermi suliassani ataqtigiiisaarineq, paasissutissiisarneq aammalu qaaqqusisuunermut isumaginninneq, soorlu:

- Kunngikkormiut, Inatsisartut, Naalakkersuisut, atorfillit, palasit, suliffeqarfii, pisortani sullissiviit il.il. tikeraarneri
- inunnut Qaanaameersunut, Qeqertaneersunut, Siorapalummeersunut aamma Savissivimmeersunut, Pituffimmiiittunut ikuunneq,
- nunatta inuiattut ullorsiornerata nalliuressinera,
- politiinik, danskit sakkutuunut attaveqaataannik aamma Air Greenland-imik ataqtigiiisaaraluni ataatsimeeqateqarnerni peqataaneq,
- US Air Force aamma suliffeqarfii kiffartuussinissamut isumaqtigiiissuteqartut paasissutissiilluni ataatsimeeqatigineqarneranni peqataaneq,
- Armed Forces Day upernaat tamaasa ingerlanneqarneranni peqataaneq:
- najukkami paasissutissiivinnik nutarterinermi peqataaneq.

Innuttaasut siulersuisusa Namminersorlutik Oqartussanit aamma oqartussanit attuumassuteqartunit allanit suliarinninnissamut pisariaqartunik piginnaatitsissuteqarfigineqarnissartik ingerlaavartumik isumaginissa, innuttaasut siulersuisusa akisussaaffigaa.

2. Siunnersuummi immikkoortut pingaarcerit

Kommunit aggorneqarnerisa avataanniittut nunaqqatigiit siunnersuisoqatigiivi pillugit Inatsisartut inatsisaanni atuuttumi § 1-imi aalajangersarneqarpoq:

”Naalakkersuisut danskit amerikamiullu illersornissamut sakkutooqarfiini allaniluunniit sumiifinni kommunit aggorneqarnerisa avataaniittuni nunaqqatigiit siunnersuisoqatigiivinut suliassat taakkualuunniit ilaat Naalakkersuisut sinnerlugit ingerlateqqullugit tunniussinnaavaat. Suliassat makkuusinnaapput, isumaginninneq, kultureqarneq, atuartitaaneq allatigullu pissutsit pillugit suliassat sumiifinni nunaqqatigiinnut tunngassutilit Namminersornerullutik Oqartussat isumagisartagaat.”

Inatsimmut atuuttumut sanilliullugu taaguutaa nunaqqatigiit siunnersuisoqatigiivi, innuttaasut siulersuisuinut allanngortinnejassasoq siunnersuitigineqarpoq. Allannguut taanna oqaatsitigut taamaallaat allannguutaavoq innuttaasut siulersuisusa suliassaqarfii maleruagassiivigineqaratik. Oqaatsitigut allannguutaa taanna siunnersuitigineqarpoq, siulersuinut taaguut nunaqarfinni aqutsisuni aammalu kommunalbestyrelsimi atorneqartoq atorniarlugu.

Inatsisisatut siunnersuummi § 1-imi innuttaasut siulersuisusa suliassai ataatsimut isigalugit nassuarneqarput. Inatsisinut atuuttunut tunngatillugu nunaqqatigiit siunnersuisoqatigiivisa suliassaasa nassuaataannut immikkullarinnerujussuusunut, taamaalillunilu allanngorarsinnaanngitsunut, saniliullugu taanna allannguutaavoq.

Allanngorarsinnaannginnera sumiiffiit suliassallu ineriartorneranni naapertuutinngitsoq

paasinarsisimavoq. Assersuutigalugu suliassanik kommunit imaluunniit oqartussat allat suliarisartagaannik isumaginninneq, kiisalu suliassanik ataqatigiissaariviusussanik najukkami inissisimatineqartunik isumaginninnissaq, inatsimmi atuuttumi pineqartunut ilaatinneqanngillat.

Taamaattumik nassuaataa allanngortinneqassasoq siunnersuutigineqarpoq, tassalu innuttaasut siulersuisui Namminersorlutik Oqartussat sinnerlugit sumiiffinni kommunit aggornerisa avataanni inoqarfinni suliassanik imaluunniit taakkua ilaannik isumaginnissinnaasut.

Taamaaliornermi tunngaviatigut aamma suliassat kommuninut imaluunniit oqartussanut allanut isumagineqartussanngorlugit suliakkiutigineqartussaagaluartut, pineqartunut ilaatinneqarput.

Innuttaasut siulersuisuisa suliassaanni taamaalluni suliassat Namminersorlutik Oqartussanit, kommunimit imaluunniit oqartussamit allamit isumagineqartussaagaluartut akuleriissillugit suliarineqartussaassapput. Pinngortitaleriffiup Pituffimmi eqqaanilu sumiiffimmi annertunerusumi umimmannik alapernaarsuinermut nunaqqatigiit siunnersuisoqatigiivinit ikiorneqartarsimanera, oqartussami allami suliassamut assersuutitut taaneqarsinnaavoq.

Maannakkorpiaq nunaqqatigiit siunnersuisoqatigiivi ataasiinnaat ingerlapput. Taakkua tassaapput Pituffimmi nunaqqatigiit siunnersuisoqatigiivi. Pituffimmi nunaqqatigiit siunnersuisoqatigiivi pisortat avammut kiinnertartoraat. Nunaqqatigiit siunnersuisoqatigiivi Pituffimmut tikeraartunut pisortat sullissinerannik suliaqartarput.

Kommunet aggorneqarnerisa avataanniittut nunaqqatigiit siunnersuisoqatigiivi pillugit Inatsisartut inatsisaanni maannakkut atuuttumi § 2-imi aalajangersarneqarpoq:

”Nunaqqatigiit siunnersuisoqatigiivi qinerneqassapput sumiiffinni aalajangersimasumik nunaqartunit, qaammatini ikinnerpaamik 6-ini tamaaniittunit, qallunaatut avannaamioqatigiinnilu innuttaassuseqartunit Kalaallit Nunaannilu Namminersornerullutik Oqartussanut akileraartartunit. Imm. 2. Naalakkersuisut siunnersuisoqatigiinnik qinersineq pillugu inatsisit aalajangersassavaat taakkununngalu ilanngullugit ilaasortat ataqqinassuseqarnerannut piumasaqaatit.”

Aalajangersakkami siunnersuutigineqartumi § 2 pisariinnerulersinneqarpoq aammalu annertusitinneqarluni aamma siunnersuummi § 2 aamma § 3 pineqartunut ilaatinneqarlutik. Assersuutigalugu akileraartussaatitaaneq piumasaqaatigineqanngilaq. Tamatuma saniatigut ilaasortat amerlassusaat aamma piffissaq qinigaaffiusoq kiisalu qinersisinnaatitaaneq aamma qinigaasinnaatitaaneq pillugit aalajangersakkat inatsisissatut missingiummiit nalunaarummut nuutinnejärput. Peqatigisaanik suliassaqarfinnut taakkununnga naleqqussaasoqarpoq, taamaalluni aalajangersakkanut communalbestyrelsinut aamma nunaqarfimmi aqutsisunut qinersinermut atuuttunut naapertuunnerulersitsisoqarluni.

Tamatuma saniatigut inatsisisstatut siunnersuut kommunit aggorneqarnerisa avataanniittut nunaqqatigiit siunnersuisoqatigiivi pillugit Inatsisartut inatsisaat nr. 13, 20. oktober 1988-imeersumut atuuttumut sanilliullugu oqaatsitigut nutarterneqarpoq.

3. Pisortanut aningaasaqarnikkut allaffissornikkullu sunniutaasussat

Nunaqqatigiit siunnersuisoqatigiivinut (siunissami innuttaasut siulersuisuisut taagorneqartussatut siunnersuutigineqartut) aningaasartuutit aningaasanut inatsimmi maleruagassiiivigineqassaaq. Maannakkorpiaq nunaqqatigiit siunnersuisoqatigiivi ataasiinnaapput. Tassalu Pituffimmi nunaqqatigiit siunnersuisoqatigiivi. 2021-mut aningaasanut inatsimmi Pituffimmi nunaqqatigiit siunnersuisoqatigiivinut aningaasartuutissat kontumi 10.03.04 Nunaqqatigiit siunnersuisoqatigiivi (Tapiissutitut aningaasaliissutit) 403.000 koruuninik aningaasaliissutitaqartillugit maleruagassiiivigineqarput. Innuttaasut siulersuisuinik allanik pilersitsisoqassasoq aalajangiisoqassagaluarpat, innuttaasut siulersuisuinut tamaginnut immikkut aningaasartuutit, minnerpaamik Pituffimmi innuttaasut siulersuisuinut immikkoortinnejartut aningaasartaattut annertussuseqassapput.

4. Inuussutissarsiortunut aningaasaqarnikkut allaffissornikkullu sunniutaasussat

Siunnersuut inuussutissarsiortunut aningaasaqarnikkut imaluunniit allaffissornikkut sunniuteqassanngilaq.

5. Avatangiisinut, pinngortitamut aamma inuit peqqissusaannut sunniutaasussat

Siunnersuut avatangiisinut, pinngortitamut imaluunniit inuit peqqissusaannut sunniuteqassanngilaq.

6. Innuttaasunut sunniutaasussat

Inatsisip oqaasertai siunnersuutigineqartut atuunneranni, pisortat ingerlatsineranni suliassaqarfut nutaat inatsisip oqaasertaanni ilaatinneqarsinnaassapput, inatsisip allanngortinneqarnissa pisariaqassanani. Tamanna innuttaasut oqartussallu akornanni sulianik ingerlatitsisarnernik eqaannerulersitsissaaq.

7. Sunniutaasussat allat annertuut

Maannakkut nunaqqatigiit siunnersuisoqatigiivi atuutilersitsinermi allanngortinneqarpoq, taakkua nunaqqatigiit siulersuisuinut taaguutaat allanngorluni. Tamatuma saniatigut inatsit manna naapertorlugu atuunnerat ingerlaannarpoq.

8. Oqartusanut kattuffinnullu i.il. tusarniaaneq

Piffissami 2019-imi decembarip 16-aniit 2020-imi januaarip 16-anut tusarniaaneq ingerlanneqarpoq. Makkua tusarniaaffigineqarput: Pinngortitamut Avatangiisinullu Naalakkersuisoqarfik, Aningaasaqarnermut Naalakkersuisoqarfik, Ilinniartitaanermut, Kultureqarnermut Ilageeqarnermullu Naalakkersuisoqarfik, Nunanut Allanut Naalakkersuisoqarfik, Aalisarnermut, Piniarnermut Nunalerinermullu Naalakkersuisoqarfik,

Isumaginninnermut Inatsisinillu Atuutsitsinermut Naalakkersuisoqarfik, Inuussutissarsiornermut, Nukissiuuteqarnermut, Ilisimatusarnermut Suliffeqarnermullu Naalakkersuisoqarfik, Ineqarnermut Attaveqaatigiinnermullu Naalakkersuisoqarfik, Aatsitassanut Naalakkersuisoqarfik, Peqqissutsimut Naalakkersuisoqarfik, Arktisk Kommando, Pituffimmi nunaqqatigiit siunnersuisoqatigiivi, Avannaata Kommunia, Kommune Qeqertalik, Qeqqata Kommunia, Kommuneqarfik Sermersooq, Kommune Kujalleq, Kalaallit Nunaanni Politiit

Tusarniaanermut akissuteqaatit 8-it tiguneqarput, takuuq allattuiffik matuma kingulianiittoq.

Tiguneqarpoq ulloq	Oqartussaq	Tusarniaanermut akissuteqaatip imarisai	Tusarniaanermut akissuteqaat makkuninnga pissutissaqaler-sitsivoq
16/12 2019	Isumaginninnermut Inatsisinillu Atuutsitsinermut Naalakkersuisoqarfik	Oqaaseqaateqanngilaq	
17/12 2019	Inuussutissarsiornermut, Nukissiuuteqarnermut, Ilisimatusarnermut Suliffeqarnermullu Naalakkersuisoqarfik	Oqaaseqaateqanngilaq	
19/12 2019	Arktisk Kommando	Oqaaseqaateqanngilaq	
6/1 2020	Sulisitsisut – Grønlands Erhverv	Oqaaseqaateqanngilaq	
13/1 2020	Peqqissutsimut Naalakkersuisoqarfik	Oqaaseqaateqanngilaq	
14/1 2020	Kommuneqarfik Sermersooq	Oqaaseqaateqanngilaq	
29/1 2020	Kommune Qeqertalik	Oqaaseqaateqanngilaq	
15/1-20	Kommune Kujalleq	Kommuni allappoq, nassuaatini allassimasoq ”Innuttaasut siulersuisa Namminersorlutik Oqartussanit imaluunniit kommuninit suliassaqarfinnik suliariinninnissamut pisariaqartunik pisinnaatitsis-suteqarfingineqarnissartik ingerlaavartumik i sumagissavaat” aammalu kommunimit pisinnaatitsissuteqarnissaq	Kommunit oqaaseqatigiinnit peerlugu, ilanganneqarpoq.

	<p>attuumassuteqartoq, kommunip takujuminaatsippaa.</p> <p>Tamatuma saniatigut innuttaasut siulersuisuinut qaqugukkut qinersisoqartassanersoq, inatsisisstatut siunnersuummi imaluunniit nassuaatini itisiliisoqassasoq kommunip inassutigaa, tassami inatsisisstatut siunnersuummi 1. august 2020 ulloq atuutilerfissaatut allassimammat, piffissaq qinersiviusoq 1. junimiit aallartittartoq, nunaqqatigiit siunnersuisoqatigiivinut qinersineq pillugu nalunaarummi allassimalluni.</p> <p>Tamatuma saniatigut inatsisisstatut siunnersuutip aammalu nalunaarutip atuutsinneqartup akornanni qinersinermut aalajangersakkaniq naapertuuttuutitsinissaq qulakkeerneqassasoq, kommunip inassutigaa.</p>	<p>Nalunaarutip nutarterneqarnerani ilanngunneqassaaq.</p> <p>Nalunaarut nutarterlugu ilaatigut ilanngunneqassaaq.</p>
--	--	--

Tusarniaareerneremi oqaasertaannik inatsisilerinikkut allanngortitsisoqarpoq. Imarisannut tunngasuni annertuunik allanngortitsisoqanngilaq. Taamaattumik tamanut ammasumik nutaamik tusarniaasoqanngilaq.

Siunnersummi aalajangersakkanut ataasiakkaanut nassuaatit

§ 1-imut

Imm. 1-imut

Aalajangersagaq inatsimmut atuuttumut sanilliullugu oqaatsitigut allanngortinneqarpoq, taamaalilluni suliassanut nunaqqatigiit siunnersuisoqatigiivisa akisussaaffigisinnaasaannut nassuaatit, ataatsimut isigalugit oqaasertalerneqarlutik. Tamatuma saniatigut aalajangersakkap allanngortinneqarnissa siunertarineqanngilaq.

Aalajangersakkami innuttaasut siulersuisusa sumiiffinni inoqartuni kommunit aggorerisa avataanniittuni Namminersorlutik Oqartussat sinnerlugit suliassanik taakkualuunniit ilaannik isumaginninnissaannut killissaliussat aalajangersarneqarput.

Aammattaaq nassuaatit nalinginnaasut innersuussutigineqarput.

Imm. 2-imut

Aalajangersagaq nutaajuvoq aammalu suliassat innuttaasut siulersuisuinit suliarineqartarnissaat Naalakkersuisut pisariaqartikkunnaarpassuk, Naalakkersuisut innuttaasut siulersuisusa atorunnaarsinneqassasut aalangernissamut periarfissaqarlutik.

Imm. 3-mut

Aalajangersagaq nutaajuvoq. Innuttaasut siulersuisusa atorunnaarsinnissaannut tunngavilersuutaasinnaasunut allattukkat allassimasut tamakkiisutut isigineqarput.

§ 2-mut

Aalajangersagaq nutaajuvoq. Aalajangersagaq nalunaarummiittoq inatsisisatut siunnersummi ilanngunneqarpoq.

Imm. 1-imut

Sumiiffik paasineqassaaq killissalerneqarsinnaasoq kiisalu sumiiffik sumiiffimmi imaluunniit allaffissornikkut ataqatigiissoq. Qinersivinnut tamanut innuttaasunut siulersuisut ataatsit qinerneqarsinnaapput.

Imm. 2-mut

Innultaasut siulersuisui 3-nik imaluunniit 5-inik ilaasortaqarsinnaapput. Ilasortat amerlassusaat pillugu aalajangiisoqarsimangippat, ilaasortanik 3-nik qinersisoqassaaq. Innultaasut siulersuisui nutaat pilersinneqarlutik pisoqartillugu tamanna assersuutigalugu pisinnaavoq.

Imm. 3-mut

Innultaasut siulersuisusa piffissami aggersumi qinigaaffissaanni ilaasortat amerlassusissaat innultaasut siulersuisusa aalajangersassavaat. Ilasortat amerlassusissaat pillugu

aalajangiineq ulloq qinersivissaq kingusinnerpaamik qaammatinik pingasunik sioqqullugu pissaaq. Tassa imaappoq ukiumi qinersiviusussami kingusinnerpaamik ulloq 1. marts.

§ 3-imut

Innuttaasut siulersuisuinut inuit qinersisinnaatitaanersut aalajangersakkami maleruagassiivigineqarpoq.

Qinersisinnaatitaaneq pillugu aalajangersagaq annertusitinneqarpoq, ilaatigut nalunaarummiittut ilai inatsisissatut siunnersuummi ilanngunneqarlutik.

Imm. 1-imut

Aalajangersagaq allanngortinneqarpoq, taamaalilluni taasisinnaatitaanissamut Kalaallit Nunaanni akileraartussaatitaanissaq piumasaqaataajunnaarluni.

Peqatigisaanik aalajangersakkami naleqqussaasoqarpoq, taamaalilluni aalajangersakkanut kommunalbestyrelsimit aamma nunaqarfimmi aqutsisunut qinersinermut atuuttunut naapertuunnerulersitsisoqarluni.

Aalajangersakkami immikkoortoq 1-imi aalajangersarneqarpoq danskisut innuttaassuseqartut, 18-inik ukioqalereersimasut, qinersinissaq sioqqullugu minnerpaamik qaammatini 6-ini Kalaallit Nunaanni aalajangersimasumik najugaqarsimasut, aammalu kommunit aggornerisa avataanni sumiiffimmi pineqartumi qinersinissaq sioqqullugu kingusinnerpaamik sapaatit akunnerini 6-ini aalajangersimasumik najugaqarsimasut, qinersisinnaatitaasut. Qinersisinnaatitaasuni ilaatinneqanngillat inuit Kalaallit Nunaanni inatsisitigut atuuttumik nammineertussaajunnaarsinneqarsimasut.

Aalajangersakkami immikkoortoq 2-mi aalajangersarneqarpoq, nunani avannarlerni nunami allami naalagaaffimmi innuttaassuseqartut, 18-inik ukioqalereersimasut, naalagaaffimmi minnerpaamik ukiuni 3-ni aalajangersimasumik najugaqarsimasut, qinersinissaq sioqqullugu minnerpaamik qaammatini 6-ini Kalaallit Nunaanni aalajangersimasumik najugaqarsimasut, aammalu kommunit aggornerisa avataanni sumiiffimmi qinersinissaq sioqqullugu kingusinnerpaamik sapaatit akunnerini 6-ini aalajangersimasumik najugaqarsimasut, qinersisinnaatitaasut. Qinersisinnaatitaasuni ilaatinneqanngillat inuit Kalaallit Nunaanni inatsisitigut atuuttumik nammineertussaajunnaarsinneqarsimasut.

Immikkoortoq 2-mi inuaassutsimut tunngatillugu kommunimut qinersinermi atuuttoq aalajangersagaq malinnejqanngilaq. Tamatumunnga pissutaavoq kommunit aggornerisa avataanni sumiiffinni inuit nunani avannarlerni nunami naalagaaffimmi innuttaassuseqartuunngitsut amerlasoorpassuit najugaqarsinnaanerat, taamaattoqarpallu inunnit qinersisinnaatitaasunit amerlanerujussuusinnaallutik.

Allatigut aamma nassuaatit nalinginnaasut innersuussutigineqarput.

Imm. 2-imut

Aalajangersakkami qinersinernut allanut aalajangersakkat assigalugit aalajangersarneqarpoq, qinersisartut allassimaffianniigani qinersisinnaatitaanermik atuisoqarsinnaanngitsoq.

Takuuk § 3, imm. 4, qinersisartut allassimaffiat pillugu aalajangersakkat Naalakkersuisunit nalunaarummi aalajangersarneqarsinnaapput.

§ 4-mut

Inuit kikkut innuttaasut siulersuisuinut qinigaasinnaatitaanersut aalajangersakkami maleruagassiivigineqarpoq.

Qinigaasinnaatitaaneq pillugu aalajangersagaq annertusitinneqarpoq, ilaatigut nalunaarummiittut ilai inatsisissatut siunnersuummi ilanngunneqarlutik.

Imm. 1-imut

Innuttaasut siulersuisuinut qinigaasinnaasunut tunngavissarititaasut, qinersisinnaatitaasunut atuuttut assigigaat, aalajangersakkami aalajangersarneqarpoq.

Peqatigisaanik aalajangersakkami naleqqussaasoqarpoq, taamaalluni aalajangersakkanut kommunalbestyrelsimit aamma nunaqarfimmi aqutsisunut qinersinermut atuuttunut naapertuunnerulersitsisoqarluni.

Qinigaasinnaatitaanissamut qinigassanngortittoq ukiut 5-it kingulliit iluanni inaarutaasumik eqqartuussinermi imaluunniit akiliisitsisummik akuersinermi pinerluttulerinermi inatsisitigut pineqaatissinneqarsimassangilaq imaluunniit nalinginnaasumik tusaamanearnermi innuttaasut siulersuisuini ilaasortaanissamut pineqartumut naleqqukkunnaarsitsisumik ukiut 3-it iluanni pinerluttulerinikkut pineqaatissinneqarsimassanani. Piffissamut killiliussat ulloq qinersivusoq aallarnerfigalugu naatsorsorneqassapput.

Imm. 2-mut

Aalajangersagaq nutaajuvoq. Qinergersinernut allanut aalajangersakkat assigalugit aalajangersakkami aalajangersarneqarpoq, pinerluttulerinermi inatsisitigut pineqaatissinneqarsimaneq pissutigalugu qinigaasinnaatitaannginnejq pillugu akerliliisoqarnera apeqqutaatinnagu, inuk tamatigut qinersinissamut qinigassanngortissinnaasoq.

Imm. 3-mut

Aalajangersagaq nutaajuvoq. Nalunaarutiginninneq allaganngorlugu pissaaq atsiorneqarsimassallunilu. Aalajangersagaq Inatsisartunut qinersineq pillugu Inatsisartut inatsisaannut aamma kommunalbestyrelsimit qinersineq pillugu Inatsisartut inatsisaannut sanilliunneqarsinnaavoq.

Takuuk § 3, stk. 4, qinigassanngortittunik nalunaarutiginninneq pillugu aalajangersakkat Naalakkersuisunit erseqqinnerusumik aalajangersarneqarsinnaapput.

Imm. 4-imut

Aalajangersakkami Naalakkersuisut innuttaasut siulersuisuinut ilaasortassanik qinersisarneq pillugu maleruagassanik erseqqinnerusunik aalajangersaanissamut piginnaatinneqarput, ilanngullugu ilaatigut qinersinermut siulersuisunik pilersitsineq, qinersisartut allassimaffiannik suliaqarneq, qinigassanngortittunik nalunaarutiginninneq, taasinernut maleruagassiineq, qinersinerup ingerlanneqarnera kiisalu qinersinerup inernera pillugu naatsorsuineq nalunaarutiginninnerlu.

Pissutsit taakkua Naalakkersuisunit maleruagassiivigineqarsinnaanerannut tunngavilersuutaavoq, aalajangersakkanik kommunit aggornerisa avataanni sumiiffinni ataasiakkaani naleqqussarneqartunik aalajangersaasoqarsinnaanissaa.

§ 5-imut

Aalajangersagaq nutaajuvoq.

Aalajangersakkami aalajangersarneqarpoq, innuttaasut siulersuisui inissitsiterluni ataatsimiinnermi innuttaasut siulersuisuinut siulittaasumik qinersissasut. Siulittaasoq piffissaq qinigaaffik tamaat qinigaavoq.

Imm. 2-imut

Aalajangersakkami aalajangersarneqarpoq innuttaasut siulersuisuisa nammineq suleriaasissartik akuerissagaat.

Imm. 3-imut

Aalajangersakkami aalajangersarneqarpoq, innuttaasut siulersuisui suleriaasissami akuerineqartup assilineranik nassiussissasut. Tamanna mail-ikkut pisinnaavoq uunga tilsyn@nanoq.gl.

Imm. 4-imut

Aalajangersakkami aalajangersarneqarpoq, Naalakkersuisut innuttaasut siulersuisuisa atuunnerat pillugu aalajangersakkanik erseqqinnerusunik nalunaarummi aalajangersaasinnaasut. Taanna assersuutigalugu suleriaasissatut nalinginnaasutut, innuttaasut siulersuisuisa najoqquqtassatut atorsinnaasaattut iluseqarsinnaavoq.

§ 6-imut

Aalajangersagaq aaqqissuussinikkut allannguiteqartillugu annertunerpaatigut § 3-mi aalajangersakkamik atutereersumik ingerlatitseqqiineruvoq, aammalu allanngortitsinissaq eqqarsaatigineqanngilaq.

Aalajangersakkami aalajangersarneqarpoq, Naalakkersuisut innuttaasut siulersuisuisa naatsorsuutinik saqqummiussisarnissaat, taakkunannga kukkunersiusarnissaq, missingersuutinut siunnersuummik saqqummiussisarnissaq aammalu allatigut aningaasaqarnikkut susassaqarfinnik ingerlatsinissaq pillugu nalunaarummi maleruagassanik aalajangersaassasut.

§ 7-imut

Aalajangersagaq aaqqissuussinikkut allannguiteqarluni § 4-mi aalajangersakkamik atutereersumik ingerlatitseqqiineruvoq, aammalu allanngortitsinissaq siunertarineqarani.

Aalajangersakkami aalajangersarneqarpoq, innuttaasut siulersuisuinut suliassat Inatsisartut inatsisaanni matumanit aalajangersarneqartut innuttaasut siulersuisuinut isumagineqarnissaannik periafissaqarnissamut kiisalu innuttaasut siulersuisuini allaffissornermut aningaasassat ukiumoortumik aningaasanut inatsimmi aalajangersarneqartassasut.

§ 8-imut

Imm. 1-imut

Aalajangersakkami allassimavoq Inatsisartut inatsisaat ulloq 1. januar 2022 atuutilissasoq.

Imm. 2-imut

Maleruagassat maannamut Inatsisartut inatsisaanni atuuttumi tunngaveqartut, taakkua nalunaarummit nutaamit atorunnaarsinneqarnissamik tungaanut atuutiinnarnissaat, aalajangersakkami qulakkeerneqarpoq. Nalunaarut atuuttoq tassaavoq Nunaqqatigiit Siunnersuisoqatigiivinut ilaasortassanik qinersisarneq pillugu Namminersornerullutik Oqartussat nalunaarutaat nr. 8, 21. marts 2005-imeersoq.